




Visoko sudsko i tužilačko vijeće Bosne i Hercegovine
 Visoko sudbeno i tužilačko vijeće Bosne i Hercegovine
 Високи судски и тужилачки савјет Босне и Херцеговине
 High Judicial and Prosecutorial Council of Bosnia and Herzegovina



14-01-2013

Broj: 01-50-33-3-/2013
 Sarajevo, 11.01.2013. godine

BOSNA I HERCEGOVINA
 PARLAMENTARNA SKUPŠTINA BOSNE I HERCEGOVINE
 SARAJEVO

PRIMLJENO:		15-01-2013	
Organizaciona jedinica	Klasifikaciona oznaka	Redni broj	Broj priloga
01-50-1-15-39/12		15-39	12

Parlamentarna Skupština Bosne i Hercegovine
 Predstavnički dom

Predmet: Odgovor na zastupničko pitanje, dostavlja se. –
Veza: Vaš akt broj 01/a-50-1-15-39/12 od 27.12.2012. godine

Poštovani,

Visoko sudsko i tužilačko vijeće Bosne i Hercegovine (VSTV BiH) je 27.12.2012. godine zaprimilo Vaš dopis br. 01/a-50-1-15-39/12 u kojem je sadržano poslaničko pitanje poslanika Milorada Živkovića VSTV-u BiH:

„Šta je ili šta namjerava učiniti VSTV BiH povodom ovog konkretnog slučaja očigledne pravosudne opstrukcije uživanja osnovnog ljudskog prava – prava na stan (u privitku dopis koji sam dobio od porodice Lukić)“.

VSTV BiH je, povodom ovog poslaničkog pitanja, od Kantonalnog suda u Tuzli pribavilo informaciju o ovom predmetu te vas u tom smislu obavještavamo slijedeće:

Pred Kantonalnim sudom u Tuzli tužitelji Imamović Izet, Imamović Hasija, oboje iz Lukavca i „Fabrika cementa Lukavac“ d.d. Lukavac, tužbom su pokrenuli upravni spor radi poništenja rješenja broj 12/01-1-23-913/11 od 19.12.2011. godine protiv tuženog Ministarstva prostornog uređenja i zaštite okolice Tuzlanskog kantona, koja je zavedena pod poslovni broj ovog suda 03 0 U 008658 12 U.

Rješenjem, koji tužitelji osporavaju u upravnom sporu, odbijene su žalbe tužitelja izjavljene protiv rješenja Službe za komunalno – stambene poslove, boračko – invalidsku zaštitu i raseljena lica općine Lukavac broj 09/5-23-9-1577/00 od 24.10.2011. godine, a ovim rješenjem je bio potvrđeno da je Lukić Grozda, udova Vojina iz Doboja, nosilac stanarskog prava na stanu koji se nalazi u Lukavcu, u ulici Veljka Lukića C-5/I, stan broj 11, površine 89 m². Rješenje kojim se utvrđuje da je Lukić Grozda nosilac stanarskog prava na predmetnom stanu, organi uprave donijeli su u obnovljenom postupku postupajući po uputama Kantonalnog suda u Tuzli koje su bile date u ranije donesenoj presudi od strane ovog suda broj 03 0 U 006976 11 U od 09.09.2011. godine.

Međutim, u upravnom sporu koji je vođen pod brojem 03 0 U 008658 12 U Kantonalni sud u Tuzli donio je rješenje dana 05.12.2012. godine kojim je tužbu tužitelja Imamović Izeta, Imamović Hasije i „Fabrika cementa Lukavac“ d.d. Lukavac uvažio, osporeno i prvostepeno rješenje poništio i upravnu stvar riješio tako što je odbacio kao neblagovremen zahtjev Lukić Grozde nazvan „urgencija“ koji je zaprimljen kod nadležnog organa Općine Lukavac dana 10.05.2000. godine, s obrazloženjem da zahtjev nije podnesen u roku propisanom odredbom člana 5. stav 1. Zakona o prestanku primjene Zakona o napuštenim stanovima („Službene novine Federacije BiH“, broj 11/98 do 29/03). Naime, ovom zakonskom odredbom propisano je da se zahtjev za vraćanje stana u posjed mora podnijeti u roku od 15 mjeseci od dana stupanja na snagu ovog Zakona nadležnom organu, što znači da je zakonski rok za podnošenja zahtjeva za vraćanje stana bio 04.07.1999. godine, odnosno 04.10.1999. godine (zavisno od toga da li je stan napušten ili nije), a kako je zahtjev Lukić Grozda koji je nazvala „urgencija“ prvi puta podnijela


10.05.2000. godine, dakle nakon proteka zakonskog roka koji je prekluzivne prirode, to je Kantonalni sud u Tuzli stao na stanovište da je takav zahtjev trebalo odbaciti, zbog čega je odlučujući po podnesenoj tužbi u predmetu broj 03 0 U 008658 12 U donio rješenje dana 05.12.2012. godine kojim je tužbu tužitelja uvažio i osporeno i prvostepeno rješenje organa uprave kojim je bilo potvrđeno da je Lukić Grozda nosilac stanarskog prava na stanu u Lukavcu, u ulici Veljka Lukića C – 5/I, stan broj 11, poništio, te upravnu stvar riješio tako što je zahtjev Lukić Grozde nazvan „urgencija“, odbacio kao neblagovremen.

Koristimo priliku da Vas informišemo da nadležnosti VSTV BiH proizlaze iz člana 17. Zakona o Visokom sudskom i tužilačkom vijeću Bosne i Hercegovine.

Misija VSTV BiH, kao nezavisnog i samostalnog organa, je da osigura nezavisno i nepristrasno pravosuđe, te se, kao takvo, ne može miješati u rad sudova i sudske odluke. VSTV BiH nije nadležno da raspravlja o stavovima, mišljenjima i odlukama bilo kojeg suda u BiH.

U okviru VSTV BiH postoji Ured disciplinskog tužioca, koji vrši dužnost tužioca u vezi sa navodima koji se tiču povreda dužnosti sudije ili tužioca te postoje primjedbe na rad postupajućih sudija u pogledu povreda dužnosti, stranke se mogu obratiti navedenom uredu.

S poštovanjem,



Dostavljeno:

- Predstavnički dom Parlamentarne skupštine
- a/a